

Chum, mir wei ga Chrieseli gönne

Chum, mir wei ga Chrieseli gönne
weiss ame Ort gar grüseli vil
Roti, schwarzi, gibeli-gälbi
zwöi bis drü an einem Stil
Faleri falera faleri falera
zwöi bis drü an einem Stil

S'lit nid alls an einem Paar Hose
s'lit nid alls an einem Paar Schueh
S'isch nid alls ar Hübschi gläge
s'lit viel meh am Ordeli-Tue
Faleri falera faleri falera
s'lit viel meh am Ordeli-Tue

Bi nid rich uf dere Ärde
bi nid hübsch vo Angesicht
Bi beschträbt rächt wacker z'wärde
meh chönd ou die Hübsche nid
Faleri falera faleri falera
meh chönd ou die Hübsche nid

Drum chum, mir wei ga Chrieseli gönne
weiss ame Ort gar grüseli vil
Roti, schwarzi, gibeli-gälbi
zwöi bis drü an einem Stil